

თავი 12**ძირითადი საშუალებების აღრიცხვა – ტესტები****1. გრძელვადიანი აქტივებისათვის დამახასიათებელია:**

- ა) უზრუნველყონ ორგანიზაციის მოვება მომავალი 1 წლის განმავლობაში;
- ბ) ხანგრძლივი მომსახურების პერიოდი;
- გ) ორივე პასუხი სწორია.

2. აქტივები გამოყენების ვადის მიხედვით იყოფა:

- ა) გრძელვადიან და მოკლევადიან აქტივებად;
- ბ) მატერიალურ და არამატერიალურ აქტივებად;
- გ) მიმდინარე და მომდინარე აქტივებად.

3. რომელი მსჯელობაა სწორი:

- ა) მატერიალურ აქტივებს აქვს ფიზიკური სახე, ხოლო არამატერიალურს ფიზიკური სახე არ აქვს;
- ბ) როგორც მატერიალურს, ასევე არამატერიალურს შეიძლება გააჩნდეს ფიზიკური სახე;
- გ) ორივე პასუხი სწორია.

4. ჩამოთვლილთაგან რომელია ძირითადი საშუალების აღიარების კრიტერიუმი:

- ა) შესაძლებელი უნდა იყოს ღირებულების საიმედოდ შეფასება;
- ბ) მოსალოდნელი უნდა იყოს მისგან მომავალში ეკონომიკური სარგებლის მიღება;
- გ) ორივე პასუხი სწორია.

5. საწარმოში ძირითადი საშუალების მიღება ფორმდება:

- ა) ინვენტარული ნომრით;
- ბ) ინვენტარული ბარათით;
- გ) მიღება-ჩაბარების აქტით.

6. ძირითადი საშუალების საბალანსო ღირებულებაში არ შეიტანება:

- ა) აქტივებისათვის ადგილმდებარეობის მომზადების დანახარჯი;
- ბ) აქტივის ექსპლუატაციასთან დაკავშირებული მიმდინარე დანახარჯები;
- გ) მონტაჟის დანახარჯები.

7. საკუთარი წარმოების შენობა-ნაგებობის მშენებლობის შექმნის დასრულებამდე ყველა დანახარჯი დებეტით აისახება:

- ა) საოპერაციო ხარჯებში;
- ბ) დაუმთავრებელი მშენებლობის ანგარიშზე;
- გ) ინვესტიციების ანგარიშზე.

8. აქტივები შეიძლება შეფასდეს რეალური ღირებულებით, როცა:

- ა) აქტივების გაცვლას არ აქვს კომერციული შინაარსი;
- ბ) გაცვლაში მონაწილეობს, როგორც ფულადი ისე არაფულადი აქტივი;
- გ) ორივე შემთხვევაში.

9. საწარმოს მიერ შეძენილი მიწის ნაკვეთი მასზე დამატებული შენობა – ნაგებობით აღირიცხება:

- ა) ცალცალკე;
- ბ) ერთად;
- გ) როგორც საწარმოს ხელმძღვანელი ჩათვლის საჭიროდ.

10. ძირითადი საშუალების თვითღირებულების ჩამოყალიბება სრულდება:

- ა) საანგარიშებო პერიოდის ბოლოს;
- ბ) როცა ობიექტი მზადაა დანიშნულებისამებრ გამოსაყენებლად;
- გ) სრული საწარმოო სიმძლავრის მიღწევის შემდეგ.

11. ძირითად საშუალებაზე გაწეული დანახარჯებს, რომელიც უნარჩუნებს, მას მოსალოდნელი ეკონომიკური სარგებლის მოტანის უნარს, ეწოდება:

- ა) კაპიტალიზირებადი დანახარჯი;
- ბ) პერიოდის ხარჯი;
- გ) არასაოპერაციო ხარჯი.

12. პროცესს როდესაც ფიზიკურად ცვლება ძირითადი საშუალება ეწოდება:

- ა) გაუარესება;
- ბ) დაძველება;
- გ) მორალურად ცვეთა.

13. ძირითადი საშუალების, სასარგებლო მომსახურების ვადის დადგენისას არ უნდა გავითვალისწინოთ:

- ა) აქტივის გამოყენების საკანონმდებლო ან მსგავსი შეზღუდვები;
- ბ) ტექნიკური ან კომერციული მოძველება;
- გ) აქტივის შესაძლო გაძვირება.

14. ძირითადი საშუალებისათვის რიცხვთა ჯამის მეთოდით ყოველწლიური ცვეთის თანხა იანგარიშება ფორმულით:

- ა) დარჩენილი წლების რაოდენობა / რიცხვთა ჯამი * პირვალდელ ღირებულებაზე;
- ბ) დარჩენილი წლების რაოდენობა / რიცხვთა ჯამი * ცვეთადი ღირებულებაზე;
- გ) სასარგებლო მომსახურების ვადა / რიცხვთა ჯამი * ცვეთადი ღირებულებაზე;

15. ძირითადი საშუალების ცვეთის დარიცხვისას წარმოების ერთეულთა ჯამის მეთოდის გამოყენება გულისხმობს:

- ა) ცვეთის დარიცხვას წარმოებული პროდუქციის ან აქტივების მოსალოდნელი გამოყენების საფუძველზე;
- ბ) აქტივის ექსპლუატაციის გავლენას ცვეთაზე;
- გ) ორივე პასუხი სწორია.

16. ღირებულებას, რომელიც სავარაუდოდ დარჩება ძირითად საშუალებას მომსახურების ვადის გასვლის შემდეგ, ეწოდება:

- ა) ცვეთადი ღირებულება;
- ბ) თავდაპირველი ღირებულება;
- გ) სალიკვიდაციო ღირებულება.

17. ძირითადი საშუალებების ცვეთის დაჩქარებულ მეთოდად ითვლება:

- ა) წრფივი ცვეთის მეთოდი;
- ბ) რიცხვთა ჯამის მეთოდი;
- გ) ორივე ზემოთ ჩამოთვლილი.

18. ძირითადი საშუალებების დაძველება ნიშნავს:

- ა) ფიზიკურად გაცვეთას;
- ბ) სარგებლობის დაკარგვას;
- გ) ორივე მათგანს.

19. საწარმო ძირითადი საშუალებების ცვეთის დარიცხვის მეთოდს ირჩევს:

- ა) აქტივიდან მოსალოდნელი მომავალი ეკონომიური სარგებლის მიღების ხასიათის მიხედვით;
- ბ) ნარჩენი ღირებულების მიხედვით;
- გ) შეძენის ფასის მიხედვით.

20. ცვეთა არ ერიცხება:

- ა) არამატერიალურ აქტივებს;
- ბ) მიწას;
- გ) შენობა-ნაგებობებს.

21. საწარმო შესყიდული ნედლეულის ტრანსპორტირებას ახდენს საკუთარი ავტომობილით. აღნიშნული ძირითადი საშუალებების ცვეთის ხარჯი აისახება:

- ა) ნედლეულის თვითღირებულებაში;
- ბ) ადმინისტრაციულ ხარჯში;
- გ) მიწოდების ხარჯში.

22. აქტივების გაცლის (ბარტერის) დროს რეალური ღირებულება გამოიყენება, როდესაც:

- ა) აქტივების გაცვლას არ აქვს კომერციული შინაარსი;
- ბ) შეუძლებელია როგორც მიღებული, ისე სანაცვლოდ გაცემული არაფულადი აქტივის რეალური ღირებულების საიმედოდ შეფასება;
- გ) არც ერთი პასუხი არ არის სწორი.

23. თუ საწარმომ ძირითადი საშუალება შეიძინა კრედიტში, საბუღალტრო მუხლს ექნება შემდეგი სახე:

- ა) დ. 2150
კ. 1210
- ბ) დ. 2150
კ. 2250
- გ) დ. 2150
კ. 3110

24. ფინანსურ ანგარიშგებაში ძირითადი საშუალება აისახება:

- ა) ნარჩენი ღირებულებით;
- ბ) თავდაპირველი ღირებულებით;
- გ) საბალანსო ღირებულებით.

25. ძირითადი საშუალებების აფასების დროს ნაზრდი თანხა უნდა აისახოს, ერთის მხრივ ძირითად საშუალებაში და მეორე მხრივ:

- ა) ვალდებულებებში;
- ბ) საკუთარ კაპიტალში;
- გ) მოვება-ზარალში.

26. ჩამოთვლილთაგან რომელია ძირითადი საშუალებების ფინანსურ ანგარიშგებაში ასახვის მეთოდი:

- ა) თვითღირებულების მეთოდი;
- ბ) გადაფასების მეთოდი;
- გ) ორივე ზემოთ ჩამოთვლილი.

27. ჩამოთვლილთაგან რომელი შეიძლება იყოს ძირითადი საშუალებების კაპიტალური დანახარჯი:

- ა) ოპერატიული მეხსიერების დამატება კომპიუტერისათვის;
- ბ) ზეთის შეცვლა ავტომობილისათვის;
- გ) ორივე მათგანი.

28. დანახარჯი, რომელიც არ ზრდის ძირითადი საშუალებებისაგან ეკონომიკური სარგებლის მიღების შესაძლებლობას ეწოდება:

- ა) მომავალი პერიოდის ხარჯი;
- ბ) მიმდინარე პერიოდის ხარჯი;
- გ) მოსალოდნელი დანახარჯი.

29. ძირითადი საშუალებების საბალანსო ღირებულების აღიარება წყდება:

- ა) გაყიდვის შემთხვევაში;
- ბ) როცა გაყიდვიდან ან გამოყენებიდან არანაირი ეკონომიკური სარგებლის მიღება აღარ არის მოსალოდნელი;
- გ) ორივე შემთხვევაში.

30. ჩამოთვლილთაგან რომელი ინფორმაცია არ არის მნიშვნელოვანი ფინანსური ანგარიშგების განმარტებითი ნაწილისათვის:

- ა) ძირითადი საშუალებებისათვის გამოყენებული ცვეთის დარიცხვის მეთოდები;
- ბ) რომელ ცვეთის მეთოდს არ გამოვიყენებთ და რატომ;
- გ) აქტივების სასარგებლო მომსახურების ვადა.

31. ძირითადი საშუალებების ღირებულების საიმედოდ შეფასება შეიძლება მოხდეს:

- ა) ძირითადი საშუალებების შეძენის დოკუმენტების საფუძველზე;
- ბ) საწარმოს მიერ საკუთარი წარმოების ძირითად საშუალებაზე გაწეული დანახარჯებით;
- გ) ორივე პასუხი სწორია.

ძირითადი საშუალებების აღრიცხვა – ამოცანები**ამოცანა N1**

საწარმომ 150.000 ლარად უნაღდო ანგარიშსწორებით შეიძინა მიწა, რომელზედაც დამავრებული იყო შენობა. მიწის საბაზრო ფასი შეადგენს 120.000 ლარს, ხოლო შენობის საბაზრო ფასი 80.000 ლარს.

მოგეთხოვებათ:

გაიანგარიშოთ თითოეული აქტივის შეძენის ღირებულება და ასახოთ ბუღალტრულად.

ამოცანა N2

საწარმო საკუთრებაში არსებულ მიწაზე აშენებს შენობას. მშენებლობის პროცესებზე ფაქტობრივმა დანახარჯმა შეადგინა: შენობის პროექტირება 10.000 ლარი (რომელიც გადახდილი არ არის). საძირკველის ამოჭრა 8.000 ლარი, მიწის მოსწორება 2.000 ლარი და მშენებლობა 95.000 ლარი (ფული გადახდილია საბანკო ანგარიშიდან)

მოგეთხოვებათ:

გაიანგარიშოთ შენობის თვითღირებულება და ასახოთ ბუღალტრულად.

ამოცანა N3

საწარმომ, რომელიც დღგ-ს გადამხდელია, უნაღდო ანგარიშწორებით შეიძინა დანადგარი 7.000 ლარად (მ.შ დღგ 1.068 ლარი). ტრანსპორტირების ხარჯმა შეადგინა 200 ლარი, მონტაჟის ხარჯმა შეადგინა 380 ლარი თანხები გადახდილი არ არის.

მოგეთხოვებათ:

გაიანგარიშოთ ძირითადი საშუალებების თვითღირებულება და ასახოთ ბუღალტრულად.

ამოცანა N4

საწარმომ რომელიც ახორციელებს გადაზიდვებს შეიძინა სატვირთო ავტომანქანა 120.000 ლარად, 2 წლიანი საბანკო კრედიტით. კრედიტის წლიური განაკვეთია 12%. კრედიტის დაფარვა ხელშეკრულებით გათვალისწინებულია მეორე წლის ბოლოს. საწარმოსათვის შეძენილი ძირითადი საშუალება წარმოადგენს განსაკუთრებულ აქტივს (საწარმო ახდენს სესხის ხარჯის კაპიტალიზაციას).

მოგეთხოვებათ:

გაიანგარიშოთ ძირითადი საშუალებების თვითღირებულება და ასახოთ ბუღალტრულად.

ამოცანა N5

საწარმო “ა”-მ არამატერიალური აქტივი, რომლის საბალანსო ღირებულებაა 40.000 ლარი, გაცვალა მანქანა-დანადგარში. შემცვლელის რეალური ღირებულებაა 50.000 ლარი. გაცვლის ოპერაციის შედეგად აღნიშნულმა საწარმომ “ა”-მ დამატებით გადაუხადა საწარმო “ბ”-ს 5.000 ლარი (გადახდა მოხდა უნაღლო ანგარიშსწორებით). გაცვლას აქვს კომერციული შინაარსი.

მოგეთხოვებათ:

ასახლოთ ოპერაცია ბუღალტრულად.

ამოცანა N6

საწარმო აშენებს შენობას საკუთარი ძალებით. მშენებლობის პროცესებზე ფაქტობრივმა დანახარჯმა შეადგინა: მშენებლობის ნებართვა 8.500 ლარი, სატრანსპორტო საშუალებების ცვეთა 6.000 ლარი, ელექტროენერგიის ხარჯი 23.000 ლარი, შრომის ანაზღაურება – 5.000 ლარი, მასალა 90.000 ლარი. 2.000 ლარის მასალა, რომელიც იყო უხარისხო იქნა ამოღებული მშენებლობის პროცესიდან.

მოგეთხოვებათ:

გამოთვალეთ აშენებული შენობის თვითღირებულება და ასახოთ ბუღალტრულად აშენებისა და ექსპლუატაციაში შესვლის ოპერაციები.

ამოცანა N7

სტამბამ, რომელიც დღე-ს გადამხდელია, უნაღლო ანგარიშსწორებით შეიძინა საბეჭდი დანადგარი 25.000 ლარად დღე-ს გარეშე (დღე 4.500 ლარი). საწარმომ აქტივის სასარგებლო მომსახურების ვადა განსაზღვრა 5 წლით და ვარაუდობს, რომ ამ ვადის ამოწურვის შემდეგ აქტივს გაყიდის 4.000 ლარად. საწარმო იყენებს ცვეთის დარიცხვის წრფივ მეთოდს.

მოვთხოვბათ:

ა) ასახოთ ბუღალტრულად ძირითადი საშუალებების მიღების ოპერაცია:

ბ) გაიანგარიშოთ თუ როგორი იქნება 5 წლის განმავლობაში დასარიცხი ცვეთის გრაფიკი:

მაჩვენებლები	პირვანდელი ღირებულება	ცვეთის წლიური თანხა	აკუმულირებული ცვეთა	ნარჩენი ღირებულება
შეძენის თარიღი				
I წელი				
II წელი				
III წელი				
IV წელი				
V წელი				

გ) მოახდინოთ I-ლი წლის ერთი თვის ცვეთის დარიცხვის ბუღალტრული გატარება (მარაგის მუდმივი აღრიცხვის სისტემის დროს).

ამოცანა N8

საწარმომ, რომელიც არ არის დღე-ს გადამხდელი, კრედიტში შეიძინა მსუბუქი ავტომობილი 40.000 ლარად (მ.შ დღე – 6.100 ლარი). საწარმომ აქტივის სასარგებლო მომსახურების ვადა განსაზღვრა 5 წლით და ვარაუდობს, რომ ამ ვადის ამოწურვის შემდეგ აქტივს გაყიდის 10.000 ლარად. საწარმო იყენებს ცვეთის შემცირებადი ნაშთის მეთოდს, კერძოდ რიცხვთა ჯგამის მეთოდს.

მოგეთხოვებათ:

ა) ასახოთ ბუღალტრულად ძირითადი საშუალებების მიღების ოპერაცია;

ბ) გაიანგარიშოთ თუ როგორი იქნება 5 წლის განმავლობაში დასარიცხი ცვეთის გრაფიკი;

მაჩვენებლები	პირვანდელი ღირებულება	ცვეთის წლიური თანხა	აკუმულირებული ცვეთა	ნარჩენი ღირებულება
შეძენის თარიღი				
I წელი				
II წელი				
III წელი				
IV წელი				
V წელი				

გ) მოახდინოთ მე-III წლის ერთი თვის ცვეთის ღარიცხვის ბუღალტრული გატარება თუ ავტომობილი გამოიყენება მხოლოდ ადმინისტრაციული მიზნებისათვის.

ამოცანა N9

საწარმომ, რომელიც არ არის დღგ-ს გადამხდელი, კრედიტში შეიძინა მსუბუქი ავტომობილი 50000 ლარად (მ.შ დღგ – 4576 ლარი). საწარმომ აქტივის სასარგებლო მომსახურების ვადა განსაზღვრა 10 წლით და ვარაუდობს, რომ ამ ვადის ამოწურვის შემდეგ აქტივს გაყიდის 10.000 ლარად. საწარმო იყენებს ცვეთის შემცირებადი ნაშთის მეთოდს, კერძოდ გაორმაგებული ნორმის მეთოდს.

მოვთხოვბათ:

ა) ასახოთ ბუღალტრულად ძირითადი საშუალებების მიღების ოპერაცია;

ბ) გაანგარიშოთ თუ როგორი იქნება 10 წლის განმავლობაში დასარიცხი ცვეთის გრაფიკი;

მაჩვენებლები	პირვანდელი ღირებულება	ცვეთის წლიური თანხა	აკუმულირებული ცვეთა	ნარჩენი ღირებულება
შეძენის თარიღი				
I წელი				
II წელი				
III წელი				
IV წელი				
V წელი				
VI წელი				
VII წელი				
VIII წელი				
IX წელი				
X წელი				

გ) მოახდინოთ VIII წლის ერთი თვის ცვეთის გაანგარიშება და ასახოთ ცვეთის დარიცხვის ბუღალტრული გატარება თუ ავტომობილი გამოიყენება მხოლოდ ადმინისტრაციული მიზნებისათვის.

აქონება №10

საწარმო, რომელიც დღგ-ს გადამხდელია, ნაღდი ანგარიშსწორებით შეიძინა დანადგარი 41.300 ლარად (დღგ-ს ჩათვლით). საწარმომ აქტივის სასარგებლო მომსახურების ვადა განსაზღვრა 5 წლით და ვარაუდობს, რომ ამ ვადის ამოწურვის შემდეგ აქტივის ნარჩენი ღირებულება 5.000 ლარს გაუტოლდება. 5 წლის განმავლობაში საწარმო გეგმავს გამოუშვას 90.000 ერთეული ნაწარმი. ეს ერთეულები განაწილებულია შემდეგნაირად: I წელი – 15.000 ერთეული; II წელი – 10.000 ერთეული; III წელი – 20.000 ერთეული; IV წელი – 22.000 ერთეული და V წელს – 23.000 ერთეული. საწარმო იყენებს ცვეთის წარმოების ერთეულთა ჯამის მეთოდს.

მოგეთხოვებათ:

ა) ასახოთ ბუღალტრულად ძირითადი საშუალების მიღების ოპერაცია;

ბ) გაიანგარიშეთ ცვეთის კოეფიციენტი პროდუქციის ერთეულზე და შეადგინეთ 5 წლის განმავლობაში დასარიცხი ცვეთის გრაფიკი;

მაჩვენებლები	პირვანდელი ღირებულება	ნაწარმის რაოდენობა	ცვეთის წლიური თანხა	აკუმულირებული ცვეთა	ნარჩენი ღირებულება
შეძენის თარიღი					
I წელი					
II წელი					
III წელი					
IV წელი					
V წელი					

გ) მოახდინოთ მე-II წლის ერთი თვის ცვეთის დარიცხვის ბუღალტრული გატარება (მარაგის პერიოდული აღრიცხვის სისტემის დროს).

ამოცანა N11

სავაჭრო ობიექტმა 11.08.2012-ში შეიძინა დახლ-მაცივარი 15.000 ლარად. აქტივის სასარგებლო მომსახურების ვადა განისაზღვრა 3 წლით და ნარჩენი ღირებულება 3.000 ლარად. საწარმო იყენებს ცვეთის დარიცხვის წრფივ მეთოდს.

მოგეთხოვებათ:

გამოთვალეთ არასრულ წელზე ცვეთის თანხა და ასახოთ მოცემული ოპერაცია ბუღალტრულად:

ამოცანა N12

საწარმო, რომელიც იყენებს 2009 წელს შეძენილ ძირითად საშუალებას, ავტომობილს (დირექტორის), 2011 საანგარიშგებო წლის ბოლოს მოახდინა მოცემული აქტივის ცვეთის საკითხის გადასინჯვა. შეძენისას აქტივის ღირებულებამ შეადგინა 17.000 ლარი, სასარგებლო მომსახურების ვადა განისაზღვრა 5 წლით და ნარჩენი ღირებულება 2.000 ლარით. 2009-2010-ში დარიცხულმა ცვეთამ შეადგინა 6.000 ლარი. გადასინჯვით საწარმომ შეამცირა სასარგებლო მომსახურების ვადა და დარჩენილი 3 წლის ნაცვლად განსაზღვრა 2 წელი, ასევე მოხდა ნარჩენი ღირებულების შემცირება 2.000 ლარიდან 1.500 ლარამდე. (საწარმო იყენებს წრფივ მეთოდს)

მოგეთხოვებათ:

გაიანგარიშოთ დარჩენილი 2011-2012 წლების ცვეთა და ასახოთ მოცემული ოპერაცია ბუღალტრულად:

ამონა №

საწარმომ მოახდინა სატვირთო ავტომანქანის მიმდინარე რემონტი. მიმდინარე რემონტისთვის დაიხარჯა 130 ლარი. მ.შ. ხელფასი – 30 ლარი, ასებული მარაგიდან ავტომანქანას შეეცვალა ბუხრუჭები – 30 ლარის და ზეთი - 70 ლარის.

მოგეთხოვებათ:

ასახოთ მოცემული ოპერაცია ბუღალტრულად:

ამონა №14

სავაჭრო ობიექტმა დახლ-მაცივარს გამოუცვალა დაზიანებული ძრავი. შემცვლელ ძრავში ნაღდი ანგარიშსწორებით გადახდილია 1.200 ლარი. დახლ-მაცივარს ცვეთა ერიცხებოდა 3 წელი წრფივი მეთოდით – 20%-იანი განაკვეთით. (შეცვლილი ძრავის ღირებულება და ცვეთა ცალკე აღრიცხული არ იყო).

მოგეთხოვებათ:

ასახოთ მოცემული ოპერაცია ბუღალტრულად:

ამოცანა N5

საწარმო, რომელიც ამზადებს ავეჯს გააჩნია ჩარხი. ჩარხის შეძენის თვითღირებულება 180.000 ლარია. აქტივის დარიცხული ცვეთა ბალანსის შედგენის თარიღამდე 120.000 ლარია. ბალანსის შედგენის მომენტში საწარმომ დაადგინა, რომ აღნიშნული ძირითადი საშუალება გაუფასურებულია (დაუზიანდა ძრავი) და მისი საბალანსო ღირებულება უნდა შემცირდეს 15.000 ლარით.

მოგეთხოვებათ:

გაიანგარიშოთ რა თანხით აისახება ძირითადი საშუალება ბალანში და ასახოთ ბუღალტრულად გაუფასურებული თანხის ოპერაცია;

ამოცანა N6

ორგანიზაციამ მოახდინა ქსეროქსის აპარატის გადაფასება. მისი შეძენის ღირებულება შეადგენდა - 3.500 ლარს, დარიცხული ცვეთა - 1.200 ლარს, სასარგებლო მომსახურების ვადა - 3 წელს. ცვეთის წლიური ნორმა - 33.33 %-ია. გადაფასების შედეგად დადგინდა ქსეროქსის ღირებულება, რომელმაც შეადგინა - 3.000 ლარი.

მოგეთხოვებათ:

ა) დაადგინოთ გადაფასების ინდექსი;

ბ) მოახდინოთ გადაფასების ინდექსის საშუალებით ქსეროქსის აპარატის გადაფასება, ანუ გადაფასებული და საბალანსო ღირებულების თანაფარდობის გამოყვანა;

მაჩვენებლები	ღირ-ბა გადაფასებამდე	აქტივის რეალური ღირ-ბა	გადაფასების კოეფიციენტი	ღირ-ბა გადაფასების შემდეგ	გადაფასების სხვაობა
თვითღირებულება					
დაგროვილი ცვეთა					
საბალანსო ღირ-ბა					

გ) ასახოთ ბუღალტრულად გადაფასების სხვაობა;

ამოცანა N17

ორგანიზაციამ მოახდინა კომპიუტერის გადაფასება. მისი შეძენის ღირებულება შეადგენს - 2.000 ლარს, დარიცხული ცვეთა - 500 ლარს, სასარგებლო მომსახურების ვადა - 3 წელს. ცვეთის წლიური ნორმა - 33.33 %-ია. გადაფასების შედეგად დადგინდა კომპიუტერის ღირებულება, რომელმაც შეადგინა - 1.300 ლარი.

მოგეთხოვებათ:

ა) დაადგინოთ გადაფასების ინდექსი;

ბ) მოახდინოთ გადაფასების ინდექსის საშუალებით ქსეროქსის აპარატის გადაფასება, ანუ გადაფასებული და საბალანსო ღირებულების თანაფარდობის გამოყვანა;

მაჩვენებლები	ღირ-ბა გადაფასებამდე	აქტივის რეალური ღირ-ბა	გადაფასების კოეფიციენტი	ღირ-ბა გადაფასების შემდეგ	გადაფასების სხვაობა
თვითღირებულება					
დაგროვილი ცვეთა					
საბალანსო ღირ-ბა					

გ) ასახოთ ბუღალტრულად გადაფასების სხვაობა;

ამოცანა N18

ა) საწარმომ შეიძინა დანადგარი რომლის თვითღირებულება 80.000 ლარია, დარიცხული ცვეთა პირველ წელს 5.000 ლარი. საწარმო ყოველწლიურად აფასებს ძირითად საშუალებებს და იყენებს ცვეთის ელიმინირების მეთოდს. აღმოჩნდა რომ ბალანსის შედგენის თარიღისათვის დანადგარის რეალურმა ღირებულებამ შეადგინა - 70.000 ლარი.

მოგეთხოვებათ:

ოპერაცია ავსახოთ ბუღალტრულად;

ცვეთის ელიმინირება:**ჩამოფასება:**

ბ) მომდევნო საანგარიშებო პერიოდისათვის დანადგარის რეალურმა ღირებულებამ შეადგინა – 75.000 ლარი, დარიცხულმა ცვეთამ – 4.000 ლარი.

მოგეთხოვებათ:

ოპერაცია ავსახოთ ბუღალტრულად;

ცვეთის ელიმინირება:**ჩამოფასება:****აქონება №19**

საწარმომ ლიკვიდაციის გამო აღრიცხვიდან ჩამოწერა პრინტერი. მისი შეძენის ღირებულება იყო 500 ლარი, ხოლო დარიცხული ცვეთაც 500 ლარი.

მოგეთხოვებათ:

ასახოთ ბუღალტრულად ძირითადი საშუალების ექსპლოატაციიდან გასვლა (ლიკვიდაცია);

ამოცანა N20

საწარმომ ლიკვიდაციის გამო აღრიცხვიდან ჩამოწერა შენობა. მისი შეძენის ღირებულება იყო 50.000 ლარი, ხოლო დარიცხული ცვეთა 35.000 ლარი.

მოგეთხოვებათ:

ასახოთ ბუღალტრულად ძირითადი საშუალებების ექსპლოატაციიდან გასვლა;

ამოცანა N21

საწარმომ, რომელიც დღგ-ს გადამხდელია, გაყიდა შენობა. მისი შეძენის ღირებულება იყო 50.000 ლარი, ხოლო გაყიდვის მომენტიდან დარიცხული ცვეთა იყო 15.000 ლარი. შენობა გაიყიდა 45.000 ლარად, დღგ-ს თანხამ შეადგინა 8.100 ლარი. ფული მიღებულია საბანკო ანგარიშზე. რეალიზაციის ხარჯმა შეადგინა 1.500 ლარი, რომელიც გაცემულია სალაროდან.

მოგეთხოვებათ:

ასახოთ ბუღალტრულად ძირითადი საშუალებების ექსპლოატაციიდან გასვლა;

ამოცანა N22

საწარმომ გაყიდა შენობა. მისი შეძენის ღირებულება იყო 45.000 ლარი, ხოლო გაყიდვის მომენტიდან დარიცხული ცვეთა იყო 15.000 ლარი. შენობა გაიყიდა 25.000 ლარად. ფული მიღებულია საბანკო ანგარიშზე. ძირითად საშუალებაზე შექმნილი იყო გადაფასების რეზერვი 2.000 ლარი.

მოგეთხოვებათ:

ასახოთ ბუღალტრულად ძირითადი საშუალებების გასვლა;

ამოცანა N23

საწარმომ პერსონალური კომპიუტერი გაცვალა ქსეროქსის აპარატში. კომპიუტერის თავდაპირველი ღირებულება იყო 5.000 ლარი, ხოლო დარიცხული ცვეთა 3.000 ლარი. გაცვლას არ აქვს კომერციული ხასიათი.

მოგეთხოვებათ:

ასახოთ ბუღალტრულად ძირითადი საშუალების გასვლა;

ამოცანა N24

საწარმომ მსუბუქი ავტომობილი, რომლის თავდაპირველი ღირებულებაც 4.500 ლარი და დარიცხული ცვეთა 1.000 ლარი, გაცვალა ჩარხში. მიღებული აქტივის რეალური ღირებულების საიმედოდ შეფასება შეუძლებელია. მსუბუქი ავტომობილის რეალური ღირებულება არის 4.000 ლარი, საწარმომ დამატებით მიიღო 500 ლარი.

მოგეთხოვებათ:

ასახოთ ბუღალტრულად ძირითადი საშუალების გასვლა;

ამოცანა N25

საწარმომ მოახდინა ტექნოლოგიური ხაზის დემონტაჟი. მისი თავდაპირველი ღირებულება – 43.000 ლარია და დარიცხული ცვეთა 40.000 ლარი. ტექნოლოგიური ხაზის დემონტაჟზე დაიხარჯა: მასალა – 2.000 ლარის, ხელფასი – 1.500 ლარის. დემონტაჟის შედეგად მიღებული იქნა მეორადი მასალა ჯართი სარეალიზაციო ფასით – 3.000 ლარის.

მოგეთხოვებათ:

ასახოთ ბუღალტრულად ძირითადი საშუალების გასვლის ოპერაცია დამატებითი ანგარიშის (T-ანგარიშის) გამოყენებით: